



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

8. Innocentia religioso multùm custodienda. 8.

[urn:nbn:de:hbz:466:1-50980](http://urn.nbn.de/hbz:466:1-50980)

*Quod maximè custodienda est innocentia ab
his qui sunt in religione.*

CAPVT VIII.

Multiplici ratione custodienda est innocentia à fratribus, qui sunt in religione, scilicet vñus alteri non noceat. Et possumus ad hoc decem rationes ponere. Primo requirit hoc Dei familiaritas. Eorum est enim Deo maximè adhærere pro quo omnia reliquerunt. Si enim Deum amittant: omnia amiserunt. Ad hoc vero vt perfectè Deo adhærent, multum valit innocentia. Psalm. Innocentes & recti adhæserunt mihi. Vnitate voluntatis maximè adhæret quis Deo. Voluntatem verò vnam cum Deo habemus: si irascibilis sit sine peruersitate: & concupiscibilis sine curuitate. Primum facit innocentia: secundum facit rectitudo. Innocentia aduersatur malignitati: quæ est appetitus alieni mali. Rectitudo curuitati, quæ est inordinatus appetitus transitorij boni. Hæ duæ gratia reddunt hominem conformem Deo: & sicuti ciunt eum ipsi adhærere. Psalm. Rectus est Dominus Deus noster: & non est iniquitas eius. Secundo requirit hoc loci immunitas. Homines etiam scelerati refugientes ad domum religiosam securi sunt ibi: vt eis non noceatur. Esi tyranni nolunt nocere, vel ibi habitantibus vel ad locum talem cōfugientibus: quanto magis ipsi habitatores loci sacri cauere debent, ne sibi iniucem noceant? Tertio requirit hoc societas sanctitas. Multum cauendum est ne innocentia inter innocentes amittatur: quæ in-

ter nocentes à bonis in seculo seruatur. Si amissa erat in seculo: in claustro est restauranda, non amittenda. In Psalm. Lauabo inter innocentes manus meas. Quarto requirit hoc fraternitas. Triplex fraternitas est inter eos qui sunt in congregazione religiosa. Prima est naturalis: quæ communis est omnibus hominibus: secunda communis est omnibus fidelibus, tertia specialis est religiosorum.

De prima dicit Augustinus, in libro de disciplina Christiana. Si putamus non esse proximos, nisi qui de eisdem parentibus nascuntur: *Paulo possib
princip. lib.
Tom. 9.* attendamus Adam & Euan, & omnes fratres sumus. Idem in libro de Ciuitate Dei. Nihil tam discordiosum vitio, tam sociabile natura, quam genus humanum. Propterea Deus voluit creare parentem unum, de quo multitudo propagatur: ut hac admonitione etiam in multis cōcors vnitas seruaretur. De secunda dicit idem de disciplina Christia. Omnes quidem fratres secundum quod homines sumus: quantò magis secundū quod Christiani sumus? Ad id quod homo es, vn' pater fuit Adam, una mater fuit Eua. Ad id quod Christianus es, unus pater est Deus, una mater est Ecclesia. Tertia perfectissima est, quæ omnia bona facit communia, & temporalia & spiritualia. Quinto regrit hoc societas maxima, quæ est inter eos qui sunt vnius religionis, qui simul iacent, comedunt & bibunt: qui nō solum accedunt ad eandem mensam corporis, sed etiā ad mensam doctrinæ cœlestis, & ad mensam sacræ altaris. Vnde prodigiosè agit frater, si fratri eiusdem congregacionis nocet. Qui in religione

*Eod. loco
nunc ante
citato,*

R. 2 à fra-

à fratre suo persecutionem patitur , dicere potest: Manus proditoris mecum est in mensa. Sexto requirit hoc , quod qui in religione sunt , mundo mortui sunt. Magna impietas est in mortuum deseuire , cùm clavi , qui corpus dominicum læserunt , dulces dicantur : lancea , quæ corpus eius mortuum perforauit , dira dicitur. Septimo requirit hoc quod ipsi sunt de patria vna , in terra aliena , incolis illius terræ exosi , quæ multum solent facere ad amorem . Viri religiosi non sunt de mundo isto. Cœlum eorum patria est ; à mundo odiuntur & persecutionem patiuntur. Si de mundo essetis , mundus quod suum erat diligenter , quia verò de mundo non etsi propterea odit vos mundus. Si religiosi non amant se inuicem , quasi sine amicis erunt in mundo isto. Octavo requirit hoc quod ipsi patrem & matrem , & omnes alios sibi attinentes , pro societate religionis reliquerunt. Vnde magna peruersitas & iniquitas est , si societatem prauam faciunt sibi inuicem . Nono requirit hoc similitudo. Omne animal diligit simile sibi. Etiam animalia irrationalia illam ferocitatem non exercent in animalia suæ speciei , quam in alia animalia exercent , quod patet in lupo & leone. Lupus enim lupum non lædit , & leo leoni non nocet. Ipsa aqua quæ naturaliter habet pugnam cum igne , pacem habet cum alia aqua , quæ eiusdem speciei cum ea. Sic vñus religiosus a religioso non debet nocere. Decimo requirit hoc abundantia bonorum spiritualium : quoniam habent viri religiosi. Quanto enim habent plura bona , tanto magis solliciti debent esse de eo.

Iohann.15.

Ecclesiastes.13.

rum conseruatione, & ipsorum amissionem timere. Augustinus ad religiosos. Quanto frequentiores orationes habetis, tanto sanctiores esse debetis. Idem intelligendum est de aliis operibus eorum, ad quæ multum valet innocentia, ut prius ostensum est. Innocentia multum grata est Deo: & multum utilis homini. Augustinus. Nihil Deo dignius vel charius esse potest, quam ut innocentia tota obseruatione teneatur. Licet enim quis in aliis operibus deuotus appareat, si illam non habuerit, sibi frustra blanditur. Anselmus. Si hinc peccati pudorem, & illic cernerem inferni horrorem, & necessarium eorum haberem immergi, prius me in infernum mergerem, quam in peccatum. Malem enim purus à peccato & innocens gehennam intrare, quam forde pollutus cœlorum regna tenere: cum constet solos malos in inferno torqueri, & solos bonos in cœli beatitudine fueri.

De partibus innocentiae.

CAPVT IX.

ET notandum est quatuor partes innocentiae esse. Prima pertinet ad id quod est supranos, scilicet Deum. Secunda ad nos. Tertia ad id quod est iuxta nos, scilicet proximum. Quarta ad id quod est infra nos, scilicet temporalia bona. Qui primam partem innocentiae habet, cauet ne Deo noceat vel Dei gloriam sibi usurpando, vel eam laedendo vel diminuendo. Qui secundam partem habet, seruat suam conscientiam mundam. Qui tertiam partem habet, ser-

R 3 uat

*In 3. regul.
cap. 38.*